













LE COMTADIN PROVENÇAL.

Et le Seigneur a dit: Pource qu'ils ont
delaiſſé ma Loy que ie leur ay don-
nee, & n'ont pas eſcouté ma voix,
& n'ont pas cheminé en icelle, &c.

Pourtant le Seigneur des Armees le Dieu d'Israël
dit cecy: Voicy, ie donneray à ce peuple-cy eau
de ſiel pour boire, & pour manger

L'ALVYNE.

Ieremie 9.v.13.14.15.

Case

F

39

THE NEWBERRY
LIBRARY

. 326

1022 ch

Voyant qu'ordinairement on iette les yeux sur les fauoris des Roys, que tous leurs deportemens passent sous la censure publique, que dans tous les entretiens serieux, ou familiers soit de cabiner ou de table, on y mesle tousiours les mignôs des Princes, sur le dos desquels on charge tous les deffaux de l'Estat, que le general, & le particulier les accusent côme auteurs de tous les mescontentemens que le tiers & le quart se fantastiquent : Et que d'autre costé il se remarque que la plus-part les loient & les blasment, non selon la cognoissance certaine qu'ils ont de leurs merites ou imperfections: mais seulement selon qu'ils sont preoccupez par l'affection ou l'enuie qu'on leur porte. I'ay creu pour ce regard qu'il y alloit du seruice du Roy & bien du public de donner lumiere à ce petit discours afin que par iceluy chacun puisse iuger du choix que sa M.^a a faict de la personne de Monsieur de Luy-nes, & par vne cognoissance parfaicte de son naturel & de ses capacitez faire vn iugement parfaict de ce que l'on doit esperer de sa conduite & de ses actions.

Il n'a iamais esté que les Roys n'ayēt pris plaisir d'esleuer par leurs bien-faicts quelques confidens seruiteurs, leur grandeur les y obligeant, l'aduancement de leurs affaires le requerant, & les infirmitiez attachees à l'homme, les necessitant d'eslire entre vn grand nombre de domestiques quelque affidé, deuant lequel comme par vn doux soulagement, ils se puissent despoüiller

de l'a pesanteur qu'a porte quant & soy vne continuelle grauité de Majesté Royale, afin de goûster par l'interualle d'une heure prise à la desrobée l'agreable liberté d'une vie privée, & par la communication d'un entretien familier, donner quelque relasche à leurs esprits continuellement agitez par la multitude des affaires, partie desquelles ils sont contraincts de confier à la fidélité d'une personne qui les soulage, en les rendans participans de leurs plus secretes pensees. C'est pourquoy il ne s'est iamais veu que les grands n'ayent tousiours eu quelques fauoris: mais il ne s'est point remarqué iusques à present, qu'ils ayent voulu souffrir des compagnons, encore moins de maistres.

Quoy qu'il en soit, on ne donne iamais son cœur à vne personne sans sujet, il faut qu'il y aye vn attraiet particulier qui nous incite à cherir ce que nous aymons: Ainsi les Princes par quelque instinct qui les meue, dōnent leur affection à ceux le naturel desquels quadre à leur inclination, de la vient qu'ils honorent de leurs faueurs, non tou: ceux qui les aiment, mais seulement ceux qu'ils cognoissent pouuoir seruir d'instrumens propres à leurs volonte, ou à ceux qu'ils estiment estre doüez de grande valeur & de iugement desquels ils ont receu, ou esperent receuoir des signalez seruices, & le plus communément à ceux qui ont quelque gétillesse à laquelle l'esprit du Prince s'attache par vne rencontre de conformité d'humeur.

De toutes ces sortes de fauorits, nous en auōs des exemples en nos Roys: Charles V. surnom-

5
mé le Sage comme il estoit Prince de grand sens,
il n'ayma iamais aussi que des seruiteurs bié sen-
sez: Ainsi il affectionna le Connestable du Gues-
clin, à cause de ses rares vertus : Charles VIII.
pour le mesme sujet, admist au Gouuernement
de son Estat, Jean Bastard d'Orleans appelé pour
ses merites, le bon Comte de Dunois, auquel la
France demeure encore auiourd'huy re deuable
pour les continuels seruices qu'il a rendu à ceste
couronne durant tout le cours de sa vie : Louys
XI. a eu pour fauorits tous ceux qu'il a iugé luy
pouuoir seruir vtilement en ses affaires, entre
lesquels estoit vn Tristan l'Hermitte: Charles 8.
affectionna Brissonnnet par rencontre d'humeur.
En ce mesme temps François Duc de Bretagne
se laissoit aussi posseder par vn fin tailleur nom-
mé Landays, auquel les grands du pays firent
faire le procez ? Le Roy François I. ayma l'Ad-
miral de Bonniuet pour la gentillesse de sa per-
sonne: Henry II. esleua Montmorancy pour son
courage. Charles IX. fit le Mareschal de Rets
pour sa bonne conduitte : Henry III. agrandit
Monsieur d'Espernon pour son esprit. Henry
III. le Duc de Suilly comme instrument à ses
desseins: Ainsi le Roy à fait choix de Monsieur
de Luyne, pour la confiance qu'il a en luy, com-
me en vn autre soy mesme. Reste maintenant à
voir s'il merite ou non ceste grande faueur, & ce
que la France doit esperer de la conduitte de l'E-
stat qu'il a pris en main, & dans laquelle il se
veut maintenir à quelque prix que ce soit en des-
pit de tous ses enuieux.

Pendant la grande vogue du feu Mareschal

d'Ancre chacun declamoit cōtre le bon-heur de sa fortune, & l'impatience d'une rage publique en faisoit souhaitter le reuers à tous moments: Aussi ne fut il pas plustost ruyné, que chacun en applaudit l'action par vne resiouyſſance générale. Cet exemple deuoit animer de Luyne, à embrasser les choses bonnes, & mieux faire que le deffunct, puis qu'il n'auoit esté deffait que pour auoir mal fait. Mais tout au rebours disent ils, de Luyne n'est pas si tost entré en sa place qu'il a suivy entierement sa piste, de sorte que la medifances s'est incontinent iettée sur luy, le naturel d'un peuple estant de detracter tousiours de ceux qui gouuernent l'Estat. Et qui ne peut iamais voir de bon œil les fauoris des Princes pour la croyance qu'il a, que tous ces mignons sont vrayes sang-suës, qui boient en delices le sang des pauvres affligez, & qui s'enrichissent de la sueur de leurs traualx. Pareil discours se tient auourd'huy du sieur de Luyne. C'est pourquoy il faut examiner sans passion, si c'est à tort avec sujet qu'on se plaint de ses deportements.

Pour donc, commencer à recueillir ce qui se publie de luy dans le monde, ie diray qu'il est accusé publiquement d'estre entaché de six vices notables, ſçauoir, d'Incapacité, de l'ascheré, d'Ambition furieuse, d'Auarice insatiable, d'Ingratitude nonpareille, & de n'estre homme de foy ny de parole: qui sont toutes qualitez honreuses, lesquelles i s'ouſtiennent estre bien faciles à prouuer contre luy.

I. Incapacité. Pour le premier point qui regarde son incapacité, on la fonde sur deux points,

en sa naissance & en l'impertinence de son esprit, disans qu'il n'est pas François, qu'il est Comte in subiet du Pape, nay à Mornas petite vilette du Comtat d'Auignon, u'il y a de tresgrands inconueniens de laisser empieter vne si grandé autorité à vn homme estranger, & encores plus de confier la conduitte du Roy & de son Estat à l'insuffisance d'une personne, qui depuis son bas aage iusques à celuy de 40. ans, n'a jamais eu l'ame plus releuee, que d'occuper son esprit à nourrir des moineaux, denicher des corneilles, siffler des linottes, leurrer des pies griesches, voler l'alloüette, & pedagogiser des mesquins qui sont toutes marques certaines de bassesse & de lâcheté, avec lesquelles neanmoins il tasche de preoccuper le benin naturel du Roy. Le feu Comte du Lude ayant reproché cent & cent fois aux Luynes, lors qu'ils estoient à sa suite, qu'ils n'estoyent bons qu'à desnicher des Gays verds Cestoient ces mots: Et cependant tout en vn coup, comme si le S. Esprit estoit descendu dessus eux, ainsi que jadis sur les Apostres, ils ont eul l'audace d'arracher le timon de l'Estat aux anciens Officiers de la Couronne, pour de haute lutte en prendre l'absolu gouvernement.

Les autres qui sont plus contemplatifs, disent, qu'il n'y a rien qui raualle tant la dignité Royale, ny de si honteux la renommée de la nation Françoisse, que de permettre qu'un petit fauconnier, qui depuis son hors de page iusques au 24. Auiil 1617, n'auoit gouverné autre chose que des Esperuiers, & le lendemain 25. sans autre experience que de son audace, luy voir prédre la pos-

fession du regime de ceste Monarchie, qui des
 le commencement a faict mille impertinences
 dans l'Estat pour faciliter l'establissement de sa
 future grandeur, ayant seul resolu la continua-
 tion de la detention d'un premier Prince du sang,
 arresté l'esloignement de la Royne mere hors
 de Paris, avec la relation au Chasteau de Blois,
 oist à ceste Princesse l'education de ses enfans,
 empesché le retour de Monsieur de Bouillon en
 Cour, de crainte que la grande experience de ce
 sage Seigneur ne secondast la generosité de l'es-
 prit du Roy ne pressast la deliurance de Mon-
 sieur le Prince, & ne controollast Luyne en son
 ignorance, qui a par des procedures extraordi-
 na res violenté la Iustice du Parlement en l'ou-
 uerture du College des Iesuites à Paris. A fait des
 retranchemens de la gendarmerie, le departe-
 ment des garnisons aux frontieres, introduit les
 achapts honteux des places & gouuernemens, à
 ordonné absolument du maniemment des finan-
 ces, dispose des Ambassades, donné audience
 publique aux Ambassadeurs sans rougir de son
 impertinence dans la negotiation des affaires
 estrangeres, qui a mis ce Roy & la France en
 mesintelligence avec tous les anciens alliez &
 voisins de ceste Couronne: qui a enleué à l'im-
 prouiste le Roy hors de Paris durant la rigueur
 d'un froid violent, & mesme en vn temps de
 Carefme prenár, auquel les Roys ont tousiours
 accoustumé d'honorer ceste ville de leurs pre-
 sences & de s'en approcher lors qu'ils en sont
 esloignez. Luyne au rebours l'a mené en Picar-
 die où il auoit enuie d'aller s'establiir en son gou-
 uer-

gouuernement, & y faire son entrée, ainsi qu'il fit le iour des cendres : ayant vn premier Prince du sang & le Comte de Vaudemont à sa suite ? Qui à mené le Roy en son liét de Iustice sans en aduertir au préalable son Parlement, ayant procuré par ceste mauuaise procedure, le peu de contentement que sa Maiesté y receut en la verification des Edicts, qui enuoye faite des plaintes à Monsieur le Nonce par vn Cheualier du Guet, qui par le mesme personnage a fait porter parole à Monsieur le Comte de Soissons, qu'il auoit agreable la recherche que ce Prince desire faire de Madame de France, qui a mis en desordre par son impertinence, & renuersé par son ambition toute l'instruction de l'Ordre des Cheualiers du Saint Esprit, qui fit partir le Roy de Fontaine-bleau pour aller à Orleans, par des resolutions precipitées, & tout cela à la barbe des Princes & vieux Officiers de la Couronne, sans qu'on aye demandé leur aduis. Partant qu'il faut aduouër, disent-ils, ou qu'il y aye vne grande stupidité parmy les grands, ou vne extrême effronterie audit sieur de Luynes, & delà ils concluent qu'un homme estranger comme luy, non subiet du Roy, inexperimenté aux affaires, qui gouuerne tout à sa poste, & ce qui est plus à noter, qui reduit tout le seruice du Roy, & le bien de l'Estat au point de ses interrests particuliers : Qu'il faut que de necessité son apprentissage couste bien cher à S. M. & à la France, les fautes qu'il commet tous les iours ne pouvant produire que la ruine ineuitable de ce Royaume. Voila les discours communs qui se tiennent dans le public, voyons le reste.

Ils disent en apres, qu'il n'y a rien de plus lasche
 queluy, & que la crainte continuelle dont il ac-
 cōpaigne sa vie, est vne preuue indubitable de la
 bassesse de son ame, & de ses mauuais depor-
 temens: Qui fait mal craint tout, & qui a enuie de
 biē faire ne redoute riē, C'est pourquoy les cœurs
 genereux qui ont la cōscience nette, les mains in-
 nocētes, les persées droites, & les procédures irre-
 prochables, ayment mieux mourir dans la liberté
 d'une fréquentation publique, que de viure ren-
 fermez par l'apprehension du iuste chastimēt deu
 aux malefices: Ainli voit-on que les hommes qui
 ont fait quelque actiō par vn esguillō vrayement
 genereux, se plaisent ordinairement à se monst-
 rer en public. Ainli le Mareschal de Vitry apres auoir
 heureusement executé le cōmandement du Roy
 en la p. sonne du Mareschal d'Ancre, estoit bien
 aise de se monstrier aux Parisiens, & le peuple bien
 aise de le voir, parce qu'il auoit esté instrument
 d'une action signalée, qui redondoit au contente-
 mēt du general. M. de Luynes deuoit faire de mes-
 me: mais au rebours, dès la mort de cet homme, il
 a vescu plus qu'il n'auoit fait iamais en defiance
 continuelle, sa timidité, ou les mauuais desseins
 qu'il a, l'ayans rendu captif dans le Louure, n'osāt
 visiter personne, & redoutant tout le mōde. D'oū
 procede cela, disent-ils, sinon que ce n'a pas esté
 la generosité de mieux faire que le Mareschal
 d'Ancre, qui l'a porté à conspirer contre luy, mais
 seulement vne pure necessité de sauuer sa fortune
 Du Agen luy ayant donné aduis qu'il y auoit re-
 solution prise de le ruiner dans le iour. S. Marc.
 De sorte que nō le bien del'Estat, ny le seruice du

Roy, le fit entreprendre l'exécution de ceste con-
iuration : mais son salut particulier. L'aduertisse-
ment de du Agen ayant eu plus de force enuers
Luyne que tous les exhortations que plusieurs
bons François luy auoient fait pendant huit mois
qu'il le pressoit de preuenir la desolatiō de l'Estat
dont il n'auoit soin, ainsi qu'il a fait clairement
voir ce disent-ils, par les actions qu'il a commises
depuis, Estant tres-veritable que le procedé qui a
esté tenu à la mort du M. d'Ancre: demontre qu'il
a esté precipité & non meurement considéré. Car
vne personne genereuse qui n'eut esté portee en
ceste action que du seul desir de sauuer l'honneur
de la France, eut estably vn ordre bien plus hono-
rable en l'exécution. Il n'eut iamais esté d'aduis
qu'un homme de peu, eut ceste gloire de finir ses
iours comme vn Cesar, par les mains des braues
Cheualiers, & souillé de son sang les murailles du
Louure à la face d'un Roy : Il le falloit liurer à la
Iustice, & par vn supplice signalé le faire seruir
d'exēple aux fauoris de ne plus abuser de la bonté
& autorité de leurs maistres, qui estoit l'opiniō
de tous les principaux de l'entreprise, horsmis de
Luyne, qui ne se soucioit pas cōme l'affaire passāt
pourueu qu'elle s'excutast, & asseurast sa persō-
ne, qui est vne marque de la scheté insigne, qui a
touliours accōpagné toutes les actions de sa vie :
ayant esté trouué plusieurs fois pleurant comme
vn enfant du temps qu'il estoit en vn apprehen-
sion continuelle que le Marechal d'Ancre ne le
renuoyast cueillir des figues en Prouence :

Le soir de la mort dudit Marechal, le Roy ren-
dit vn tesmoignage de ce que dessus, & confessa

12

à la scheté naturelle de Luyne: car ainsi que l'on entretenoit S. M. son coucher du contentement que tout le peuple auoit de la fin de ce miserable, le discours agreant au Roy, la ioye fit prononcer ces paroles. Il n'a pas tenu à moy que cela n'a esté executé plustost: mais Luynene s'y pouuoit iamais resoudre tant il est poltron: Ce sont les propres mots que le Roy a rendu pour preuue de la generosité de Luyne.

Ce qui est confirmé d'auantage par la despoüille qu'il a voulu auoir (comme vn second Maistre Jean Guillaume) d'vne personne qu'il auoit fait tuer, & duquel apres sa mort, il n'a pas eu honte de porter les mâteaux, robbes de chambre, écharpes, aigrettes, cordons, & autres ioyaux, qui est vne marque au dela de toute la scheté.

Voicy vne autre furieuse batterie d'où on se targue encore cōtre luy, ils disent que c'est vn ingrat ingratissime, dont le Roy mesme en ressentira les effets: Luyne estant d'vn naturel, qu'il n'arme que luy-mesme, n'affectionnât S. M. qu'entant qu'il estime se pouuoir agrandir par ceste voye, n'ayâ autre objet que l'establissement de sa fortune & d'auoir à cōtre-cœur ceux ausquels il a des estroites obligations: En preuue dequoy ils alleguen pour exemple M. le Grand, auquel il doit sa premiere nourriture, ayant esté esleué pendant sa ieu nesse pres ledit Seigneur: Neantmoins au lieu de recognoistre l'honneur qu'il a receu en ceste maison, ça esté le premier qu'il a attaqué si tost qu'il est entré en faueur, ayant voulu faire perdre audit Sieur le Grand, & prendre pour luy le Gouvernement de Bourgogne, avec l'Estat de Grand

Escuyer, pour en reparer la moustache de Cadenet, le tout au preiudice du Marquis de Termes: Ainsi au lieu d'esperer toute assistance apres de S. M. par l'entremise d'une personne qu'ils auoient nourry, ils s'y sont venus trauffer par Luyne qui deuoroit la despoüille dudit sieur le Grand, sur l'opinion peu charitable qu'il ne releueroit de la maladie, dont il estoit lors allecté, qui est vne ingratitude nonpareille, & vn seruiteur de mauuais naturel, de vouloir empescher que le Roy ne gratifiast ledit sieur de Termes des charges de son frere, apres de si long seruices qu'ils ont rendus aux feux Rois, & à S. M. regnante.

En suite, ils mettent en auant M. de Carcasonne, lequel a autrefois grandement assisté le pere de Luyne en plusieurs de ses necessitez, & continué les mesmes plaisirs enuers ses enfans, ayant continué en tout ce qui luy a esté possible pour ayder à les maintenir dans le monde, les ayans souuent recommandez au feu Roy, & aux amis qu'il auoit en Cour: De sorte que tous les trois freres n'oseroient desnier qu'ils n'ayent de tres-particulieres obligations audit sieur Euesque: Mais cela n'a pas empesché qu'ils ne l'ayent trôpé aussi bien que les autres, l'ayant retenu vn long temps en Cour, & puis renuoyé en Languedoc, fait reuenir à Paris pour l'entremise de leurs affaires, le tout sous belles promesses, dont il n'est reussi que le vent de nos trompeuses paroles dignes de leur ingratitude, de laquelle ils recompensent tous ceux qui s'emploient pour eux, leur semblant que c'est assez de paroistre courtois de discours, & d'accompagner d'un simulé sous-ris

leurs veritables tromperies. Ils ont payé de mesme monnoie le Marechal de Souuré, quoy que l'un des principaux appuis de leur establissement aupres du Roy, lors qu'il estoit Dauphin, ayant procuré pension pour luy & pour ses freres: Et en recompense Luyné fait tous ses secrets efforts, pensans esloigner ledit sieur Marechal des bonnes graces du Roy & de la Cour dont il fut venu à bout sans le bon naturel de S. M. qui n'a peu oublier les seruices de ce bon Seigneur, ny l'amitié qu'il porte à M. de Courtenuault, & au petit Cheualier son frere.

Voyons en apres, disent-ils, en quelle monnoie il a payé tout ceux qui l'ont assisté au dessein contre le Marechal d'Ancre, la dessus, ils commencent par du Trauail qui auoit le plus trauaillé, voire esté le principal autheur de l'entreprise. Neantmoins Luyné la fait mourir sur vne rouë sous pretexte d'une proposition secrette que du Trauail auoit communiqué audit Luyné tendant à inciter le peuple à faire quelque tumulte contre la Roine-mere, lors qu'elle sortiroit de Paris, dessein à la verité tres-abominable. Mais qui ne se pouuoit executer sans le consentement dudit Luyné, lequel en pouuoit aisément diuertir du Trauail, au cas qu'il eust eu intention de ne perdre son amy: Tout au contraire, disent-ils, Luyné fut bien aise de se seruir de ce pretexte pour ruiner du Trauail, duquel il se vouloit deffaire. Car le vray suiet de sa perte ne vient point de ladite proposition. Ains de ce que Luyné luy auoit promis quelque benefice de la despoüille du Marechal d'Ancre. Et Trauail ayant descouuert que

Luyne se mocquoit de luy, il iura de le poigner-
 der luyne qui craignoit Trauail pour le cognoi-
 stre homme d'exécution, resolut de le preuenir
 en l'accusant de ladite proposition, ayant mesme
 seruy de tefuoin contre luy pour cet effet. Ainsi
 se sauua Luyne de la main du Trauail. Ainsi du
 Trauail a esté payé par l'ingratitude de Luyne
 Que cela ne soit tres veritable, disent-ils, qu'on
 voye en suite de quelle façon il a traicté le Ma-
 reschal de Vitry, il n'a cessé qu'il n'ayt mis le Roy
 en soubçon de sa fidelité, heurté furieusement
 son honneur, sa fortune, & celle de ses parens,
 quoy que très-braues Caualliers, entre lesquels
 est l'ireprochable du Halier, non pour autre des-
 sein qu'a pour posseder seul sa personne du pre-
 mier Prince du sang, afin que sa detention ou sa
 deliurance dependit de sa volonté absolue, pour
 à quoy paruenir. Luyne n'a pas craint d'offencer
 les innocens & de terrasser ceux ausquels il auoit
 le plus d'obligation, preferant l'establissement de
 sa fortune, à la ruyne de ses meilleurs amis. Le
 mesme a il fait au Conte de la Rocheguiou, qui
 a procuré tant qu'il a peu l'aduancement dudit
 Luyne, iusques a se rendre solliciteur de son ma-
 riage avec la fille de M. de Montbazou, & Luyne
 a fait ce qu'il a peu pour diuertir le Roy de l'in-
 clination qu'il a d'aymer ledit sieur Conte: Et si
 du Agen n'eut fait sa maison de bone heure, il res-
 sentiroit a present combien Luyne a courte me-
 moire des plaisirs & seruices qu'on luy rend. Le
 President Cheualier en sçait aussi quelque chose
 & le bon homme Cotignon qui a si roi Luyne
 fidellement, mesme en vn temps espineux, auquel

il auoit peu de gens en qui se fier. Les Sieurs de Guichaumont qui fut le premier qui porta le pistolet dans la teste de Cöchline, Satroque, la Chesnaye & autres qui estoient de l'entreprinse, n'ont esté mieux recogneus. Cöbien ont ils abusé de la bonté de Madame la Contesse de Soissons: qui a employé son credit pour maintenir Luyne & ses freres, iusques a espouser leurs passions? Qu'ont ils fait pour aller en recompence de tant de plaisirs? rien autre chose sinon qu'ils l'ont tröpee & pour comble ils ont trauaillé à mettre la diuision entre les deux maisöns de Bourbon, afin d'empieter plus facilement toute l'autorité de l'État par le moyé de cette des-vnion. Pareil traictement ont ils fait à Mons. de Longueuille apres auoir accommodé Luyne du Gouvernement de Picardie, La faueur s'est mocquee de luy, glorieuse d'auoir emporté ce que le Maref. d'Ancres auoit sceu obtenir.

Qui à-il de comparable à leur ingratitude envers le Roy? s'ils affectionnent autant sa Maiesté cöme la Maiesté les affectiöune, ils viuroiét tout autrement qu'ils ne font. Mais ils se rendent indignes par leurs procédures de l'amitié d'un si gräd Prince, & des biens & höneurs qu'ils en recoiüét car au lieu de veiller à ce qui est du seruice de sa Maiesté, & à le rendre intelligét de ce qui se passe en son Royaume, que ne font ils pas, pour luy faire perdre la cognoissänce de ses affaires? Quels efforts ne font-ils pas pour diuertir s'ils pouuoient la generosité de son courage, par des amusemens dignes de Luyne, & non d'un Roy de France? Quels astuces n'employent-ils pas que

que le Roy ne fasse bon accueil qu'à ceux qu'il leur plaist. & faire oublier à S.M. tous les vieux seruiteurs de son pere, pour en aymer de nouueaux creatures de Luyne? Que n'inuentét-ils pas pour mettre l'esprit du Roy en deffiance de la Royne sa mere, de Monsieur son frere, & de tous les grands qui n'adherent à leurs volontez? Que s'il y a crime punissable, c'est cestuy là, vouloir assieger l'esprit du Prince pour aliener les tendres mouuemens de son naturel. C'est vne ingratitude sceleratissime. Or que Luyne face toutes ces pratiques, afin d'esloigner tout le monde, & posséder seul le gouuernement, c'est chose plus claire que le iour, & vn crime plus noir que l'enfer, qui produira mille monstres dans l'Estat, si on laisse plus longuement impunies telles enormes meschancetez.

N'est ce pas vne ingratitude nonpareille, de laquelle ils ont vsé enuers Monsieur du Mayne, lequel apres les auoir accommodé de ses places, & assisté franchement aux mouuemens derniers, pour recompence ils se sont efforcez deluy faire confiner ses iours en vne prison, voire de le faire tuer de resistance.

En apres, qu'est ce qui ne se dit pas pour depeindre son auarice. Le bruit commun estant par tout que Luyne a commencé son entree en la maison du Roy, ainsi que Iudas en la compagnie des Apostres: Si tost qu'il s'est veu auoir quelque pars aux bonnes graces de S. M. la premiere chose à quoy il a butté, ça esté d'attrapper la bourse, & de fait il n'eust pas de repos, iusques a ce que par ses pratiques, il eust osté à Monsieur le Marechal de

Souuré le manientement des menus plaisirs du Roy qu'il prist pour luy, puis l'a transféré à ses freres, qui ont si bien ait vailloir ceste charge que là où elle ne montoit qu'à cinq cens escus par mois du tēps dudit sieur Marechal, elle va aujourd'huy à des millions de liures. Il se dit aussi publiquement qu'il n'a procuré la mort de Conchine que pour la despoüille, Luyne n'ayant peu cacher en cela l'auuidité de son auarice, en ce que s'estant veu frustré de l'esperance d'auoir les biens de la Marechale d'Ancre l'Arrest interuenu contre elle portant reünion d'iceux à la Couronne Luyne n'a pas eu honte de violenter la Iustice, & par vn don qu'il en a extorqué du Roy a destaché du Domaine de S.M. vne chose qui auoit esté reunie aux lys pour marque des abus d'vne insolente faueur, a laquelle Luyne a succédé en toutes façons. Il ne s'est non plus contenté d'auoir rauy ceste grande despoüille. Il a esté si lasche, disent ils, que d'auoir fait ietter des excommunications par toutes les Eglises de Paris afin d'auoir reuelation des biens qui pouuoient estre recelez lors du sac de la maison de Conchine desquels le deffunct par prudence, n'auoit voulu faire faire aucune recherche, là où Luyne par bassesse d'ame n'a point eu honte de solüiller son honneur afin d'assouair l'insatiabilité de son Auarice.

Il a bien fait pis, disent ils, c'est, qu'il a rançonné tous les creanciers du feu Marechal d'Ancre avec lesquels il a composé, ayāt fait perdre à chacun d'iceux le tiers. & la moitié de leur deu. Sa vilannie a encore passé plus oultre. C'est qu'apress'estoit fait

donner par le Roy la maison du faux bourg Saint Germain, & ayant fait mettre au dessus de la porte, l'Hostel de Luyne, & voyant que le peuple s'en mocquoit, il le fit aussi tost destiner pour loger les ambassadeurs extraordinaires: Et pour cet effet a rendu ladite maison au Roy quarantemil escus, espuisant ainsi, & tirant argent de toutes mains des coffres de sa Majesté Mais tout cela n'est rien au prix de ce qu'il a fait durant trois ans qu'il dispose des deniers de l'Espagne aussi absolument que du reueu de la mestairie de Luyne, de la Fontaine, de Cadener, & des Bruyers de Branche, ayant espuisé vn nombre infiny d'argent en l'achapt des charges & Gouvernemens qu'ils possèdent, & pensions qu'il fait ordonner à cent ou six vingts gueusales de sa lignée: De sorte que les gratifications que le Roy auoit accoustumé de donner à ses vieux seruiteurs ne s'estendent point le iourd'huy que sur ceste parentaille qui comme chenille rongent les fleurs de Lys, & deuorent la substance deuë aux autres, pour s'enrichir promptement aux despens du tiers & du quart. Toutes les pensions des grands & vieux Officiers de la Couronne estans retranchees, ou demeureront arrieres, afin de faciliter le payement de celles de leurs luyos: insi Luyne a fait enleuer en vn iour quatre cens mille liures d'ns l'Espagne pour maniere sa niepce Combaler, & il ne s'y peut trouuer cens escus pour les appointemens de la Royne mere; La maison du Roy, de la Royne & de Monsieur, sont arrierees pour illustrer celle de la parenté Luyniste: Le Roy n'a plus vn sol, & Luyne a dix ou douze

millions dans les Citadelles d'Amiens, Calais, & la Fere: le Roy vend son domaine pour subuenir à la necessité de ses affaires, & Luynel'achete sous nom interposez pour s'aggrandir aux despens de la Couronne.

Cadnet a pris vn million de liures sur le sel pour son mariage: il s'est fait adiuger dix-huict millions de rente sur les Greffes des greniers à sel de Paris: il en a deux fois autant sur les Greffes de la Picardie, & cela sans bourse deslier, Branthea comté six cens mille escus pour son contract de mariage, la grande familiarité que ces trois freres ont auéc ce preud'homme Moisset, ne prouuant que des estroictes intelligences qu'ils ont ensemble pour voler les deniers du Royaume: Ainsi voit-on que Chalange, & autres tels partisans ont plus d'accez aux fauoris que les grands, & les Conseillers de l'Estat. Tant d'Edicts nouueaux qui ne seruent que pour affliger le pauure peuple, ne sont inuentez que pour assouuir leur auarice. Encores cela ne suffit-il pas. Ils ont fait augmenter les tailles de quatre millions deux cens soixante mil liures depuis trois ans en ça: Il ne se passe affaire, dont ils ne tiennent la quinte essence: On a veu Monfigot tenir banque dans le Louure pour la composition des pensions. N'est-ce pas chose estrange, que ce Secretaire qui n'auoit pas le liard à la mort du Marquis d'Ancre, soit à present riche de cent cinquante mil escus, & le gros Modene de trois cens mille? De là on peut iuger la richesse du maistre, puis les valets en si peu de temps attrapent ce que les plus vieux Officiers n'oseroient esperer de gagner en leur

vic: Et ce qui est de pis en l'avarice de Luyne, c'est qu'ellen'a point de refflus, tout ce qui tombe en ses coffres tombe en main morte, il est logé, nourry, deffrayé, entretenu, luy ses freres, & tous les leurs aux despens du Roy & du pauvre peuple.

s. Ambition. Leur Ambition n'est pas moins monstrueuse que leur avarice: comme ils desirent auoir tant, ils veulent aussi cōmander à tous. Qui considerera meurement leurs procedures, trouuera que les fondemens qu'ils iettent de leur grandeur sappe toutes les autres, voire celles du Roy n'y ayant auourd'ny puissance dans le Royaume qu'ils ne tiennent assiegee. Il semble qu'ils ayēt resolu d'establir leur pouuoir par dessus tout le reste de la France. Le Roy, la Royne, la Royne mere, Monsieur frere du Roy, Madame de France, Monsieur le Prince, tout cela est cōme enuelpé dans les enceintes de leur cable; On ne peut aborder S. M. que par leur entremise. Ils ont preueu à ce que nul ne le puisse entretenir qu'avec leur consentement: Ayant contrainct le sieur de la Curree de se deffaire de la Lieutenance de la compagnie des cheuaux legers, pour la remettre à Branthe, afin que l'on puisse aussi peu aborder le Roy au champs que dedans le Louure. Ils ont fait tout ce qu'ils ont peu pour esloigner des bonnes graces du Roy M. le Cheualier de Vendosme. Ils ont debuté de la Cour Monsieur de Montpouïllan, Madame la nourrice du Roy, & infinies autres, ausquels S. M. auoit quelque creance. Ils ont changé tous les vieux seruiteurs du feu Roy, pour en glisser de nouueaux de leurs factions. Autant en ont fait à l'endroit de la Royne, aupres de la-

quelle ils ont introduit toute leur parenté, ayant
 esté effrontez que de mettre pour Dame d'Atour
 de la Royne, leur sœur Vernet qui a seruy Ma-
 dame de Paulian de fille de Chambre, d'où elle fut
 chassée pour sa vie scandaleuse & à laquelle Ver-
 net emprunta vn pain sur la feu nee auant l'es-
 pouser, ledit Vernet estant lors violon, monstant
 à danser aux pages de Monsieur de Montmoren-
 cy au Languedoc, & maintenant Gouverneur de
 Calais, qui a eu l'honneur de succeder à vn Ma-
 reschal de France : & en la garde d'un premier
 Prince du sang. L'orgueil a encore porté Luyne
 iusqueslà que de faire eriger vne charge nouvelle
 de surintendante de la maison de la Royne pour
 sa femme, afin de faire sortir du Louvre Madame
 la Cónetable qui est vne sage Dame, d'aage meur
 respectueuse, bien sensée, & de qualité plus rele-
 uée que la femme de Luyne, qui est d'un esprit ef-
 ceruelé, qui n'a que dix ans, laquelle son mary
 baille vne gouuernante pour conduire, & ce-
 pendant il veut que la maison de la Royne passe
 sous sa disposition le desir de regner les ayant
 tant esblouis que de passer par dessus tout res-
 pect, pour assouuir leur ambition. Tout ce qui
 est autour de Monsieur frere du Roy, ne sont
 que les creatures de Luyne : Tous les espions
 qu'à la Royne mere, ne sont qu'emissaires de
 Luyne. Il n'a donné liberté à Monsieur le Prince
 qu'à condition qu'il playeroit à toutes ses vo-
 lontez : N'a il pas esté si auenglé que d'accepter
 l'honneur que ce Prince luy a fait d'estre parrain
 de sa fille aisnée ? Et pour tout cela ce Prince n'en
 est pas en plus grand credit prer de luy. Et de fait

on a remarqué qu'il est tous les iours teste nuë en la chambre de Luyne, pendant qu'il donne des audiences la teste couuerte, mesme on luy refuse quelquefois la porte de sa chambre, & au Duc de Guise aussi, quoy qu'yllu de pere qui n'eut iamais peu souffrir tel escorne. La gloire de Luyne a passé bien plus outre. C'est, qu'on la veu plusieurs fois couuert en la chambre du Roy S. M. estât nuë teste. Que peut-on adiouster dauantage à cela, sinõ qu'on remarque encore qu'il enuoye ordinairement Desplan & autres dire au Roy, qu'il supplie S.M. de le venir trouuer en sa chambre. Le 19. May vn grand de ce Royaume entendit vn nommé Ville longue Fauconnier qui vint dire au Roy de la part de Luyne ces propres mots Sire, M. de Luyne vous supplie de prendre la peine de venir iusques en sa chambre, qui est vne outrecuidance nompareille, laquelle neantmoins il pratique effrontément tous les iours, Le Roy va plus souuent au departement de Luyne, que Luyne à celuy du Roy. Par la peut-on voir quel est son orgueil, & combien il est dangereux de cõmettre la puissance souueraine entre les mains des gens ambitieux, puis que le desir de regner viole tout respect. Mais ce qui passe au dela de l'insolence, c'est la resolutiõ qu'il a pris sur le fait de la fortification d'Amiens, luy estant représenté que ce travail seroit long & de grand coust. Il dit, ie veux à quelque prix que ce soit que cét ouvrage soit acheué dans vn an: Paroles vrayement insolentes, & qui demonstrent le dessein de sa tyrannie: Ie veux, Marque vne auctorité Royale, & à quelque prix que ce soit, tesmoigne le desir

violent qu'il a de s'establiſſir & de regner. Ne fait il pas bien cognoiſtre encore ſa ſotte vanité, qu'ad pour preuue de ſon amitié, il tutaye la Nobleſſe, meſme des Cheualiers qui ſont plus aagez, & cent fois de meilleures maiſons que luy, auſquels il parle par toy, penſant les bien fauoriſer: eſtimant obliger les Grands, quand il leur donne en paſſant vn regard du coin de l'œil avec le petit ſous-riſ, En quoy Cadnet excelle par deſſus les autres, on ne doit paſſer ſous ſilence l'orgueilleuſe Rodomontade de Brante, qui ſ'eſt eſchappé de dire à vn de ſes confidens, Je ſçay bien que nous auons des ennemis, il n'y a remede, nous ne les craignons pas: Car le Roy nous a promis de perir avec nous: Et Luyne a dit à vn autre, Il y a des deſſeins ſur ma vie, mais ils ne ſe peuuent ex-cuter que mon ſang ne reiaſſiſſe ſur la face du Roy. Qui perſéra ces paroles, il trouuera qu'elles ſont plaines d'impieté: Car qui a-il de plus abominable que de ſe vanter d'auoir engagé le Roy à perir pour maintenir l'orgueil de leur fortune? N'eſt-ce pas auſſi vne outrecuidance n'ompareille à Luyne d'auoir oſé changer à la terre de Maille le nom ancien de ceſte maiſon pour luy donner le ſien? que pourroit faire d'auantage vn conque-rant que d'impoſer des nouueaux noms aux villes de ſes conqueſtes? Or que ces trois freres ne ſoient ſuperbes au ſupreme degré, il ne faut que repaſſer par la mémoire l'audace de Luyne, qu'vn mois apres la mort de Conchiné demanda en mariage Madamoifelle de Vandoſme: la preſomption de Cadnet n'eſt moins galante en la recherche qu'il fit en l'an 1618. de Madame la Princeſſe

la Princesse d'Orenge sœur d'un Prince du sang
& veufue d'un Prince souverain : Cadnet, dis-je,
auquel la nourrice du Roy n'a voulu donner sa
fille en mariage, & que la veufue de Criton Pro-
fesseur en la langue Grecque à Paris, a refusé d'es-
pouser, & quelque temps apres le voila qui aspire à
l'alliance du sang Royal, qui est vne effronterie
monstrueuse qui tesmoigne ouuertement l'excez
de leur outrecuidance, Branthe n'a-il pas commis
vn rap en la personne de Mademoiselle de Luxem-
bourg, à laquelle ils ont donné des gardes quil'ac-
compagnoient par tout, mesme dans le Louure, de
crainte qu'elle ne leur eschappast, ayant voulu à
quelque prix que cest fut, emporter de haute lutte
vne Princesse de la plus illustre maison de France,
nonobstant la plainte des parens, & l'opposition de
Monsieur de Bouillon. C'est pourquoy ce petit
glorieux n'a pas encore mis le tableau de ces ar-
moiries parmy celles des Cheualiers qui sont dans
l'Eglise des Augustins de Paris, afin de remplir de
quelque qualiré Ducale, estimant que ce seroit
repugner à la grandeur de sa maison, de ne porter
que le tiltre de Lieutenant de la compagnie des
cheuaux legers du Roy. Ha ! pauvre Estat de
France, disent-ils, qu'il faict dangereux de nour-
rir tels auortons, qui s'estiment meriter toutes
choses & toutes choses indignes de leurs merites.
Qu'il ne soit vray, de qu'elle façon Luyne traite-il
le Duc de Montbazon son beau pere, qui est issu de
l'une des plus illustres races de Bretagne. Et cepen-
dant on le voit tous les iours en l'antichambre de
Luyne, picquer le coffre comme vn autre suiuant

On dira qu'il y a bien des Princes qui en font autant, en quoy il se peut dire aussi qu'ils ne sont point genereux de le faire, ny Luyne sage de le permettre. Quoy plus : Luyne n'a-il pas esté si téméraire que d'auoir donné charge au Colonel d'Ornano de s'emparer de la Principauté d'Orange apres le decez du feu Prince, & voyant qu'il auoit failly à surprendre la ville, n'a-il pas esté si outrecuidé que d'enuoyer Marfillac en Hollande, pour sonder le Comte Maurices'il s'en voudroit pas défaire, sans considerer qu'il offenceroit par ceste recherche vn des plus grands Capitaines de l'Europe, & vn des plus affectionnez seruiteurs de cette couronne.

La derniere charge qu'on iette sur le dos de Luyne: c'est qu'on le taxe d'estre, ny homme de foy, ny de parole, faisat profession de tout promettre pour complaisance, & de ne rien accomplir par meschanceté, qui est le plus grand vice dont puisse estre entaché vne personne qui manie les affaires publiques, d'autant que la foy est le lien de la société humaine, & où ce ressort manque toute perfidie regne. C'est ce qui faict qu'on oyt dans la Cour, & par toute la France tant de plaintes contre Luyne, mil & mil personnes l'accusans d'auoir esté trompez pour auoir trop creu en ses promesses qu'ils appellent planches pourries auxquelles il n'y a nulle confiance, soustenant que si Luyne pippe bien, Cadnet trompe encores mieux. De sorte que de cent qui ont affaire à eux les quatre vingts dixneufs rendront témoignage que ce ne sont que vray donneurs de Galimatias, qui ont faict banqueroute à toute fidelité, & sans

s'arrester à vn nombre infiny de Noblesse qu'ils ont abusé. Voyons disent-ils, comment-ils ont vescu avec les Grâds, & mesmes avec leurs meilleurs amis. N'ont-ils pas mâqué de parole à tout ce qu'ils ont escrit & promis à la Reine Mere, au Prince de Piedmond, à Madame la Comtesse de Soissons, au Duc de Guise, de Monmorency de la Force, à Monsieur de Mayenne, au Marechal de Bouillon, de Brissac, & autres? Qu'ont-ils tenu de tout ce qu'ils auoient promis aux Catholiques & aux Huguenots? N'ont-ils pas trompé furieusement leur premier maistre le Comte du Lude, auquel Luyne auoit donné la foy qu'il ne procureroit iamais d'estre Duc & Pair, que ledit Comte ne le fut aussi? Et cependant Luyne s'est fait promouoir à ce grade, sans en donner aduis audit Côte, lequel eut vn tel despit en l'ame d'estre ainsi laschement pippé, qu'il en est mort de regret: Et Luyne voyant que Lude auoit pris cét affaire si à cœur que d'en estre tombé malade, il luy escriuit pour le consoler, l'assurant qu'il feroit eriger Lude en Duché. Le Comte apres auoir leu ceste lettre la fit ietter au feu, & dit au Gentil-homme qui l'auoit apportee, que son mal auoit pris son cours, & qu'il estoit trop tard pour y donner le remede, ainsi mourut deux iours apres. A combien de braues Seigneurs auoient-ils promis de les faire receuoir à l'Ordre des Cheualiers du S. Esprit, ausquels ils ont manqué? Entre autres il en auoient donné sa foy à vn Prelat des plus qualifiez du Royaume, duquel Luyne a pris vn Horloge de prix & de rare artifice, y ayant vn Coucou qui chante à toutes les heures, cependant

il ne luy a point tenu parole. Ont-ils plus gardé la foy enuers Madame la Vidame, de laquelle Cadnet a espouſé la fille, à laquelle il auoit promis la charge de Dame d'honneur de la Royné? N'ont-ils pas pippé auffi le Sieur de Chaſtillon, auquel ils auoient promis l'Eſtat de Mareſchal de France, & au Sieur de la Boiſſiere vn Gouuernement de Picardie au cas que tous deux conſentiſſent au mariage de Madamoifelle de Piquigny? Et apres que Cadnet l'a espouſee ils ont tenu auſſi peu parole auſdits Sieurs, qu'à ladite Dame, Que s'ils affrontent ainſi ceux deſquels ils s'ali-ent que peuuent eſperer d'eux les eſtrangers Vrayement le Prouerbe Prouençal eſt bien veritable en eux, qui dit,

In gents d'au Comtat,

Non ayny fé, ny Loyantat.

Les Prouençaux ayant remarqué que les Conradins du territoire d'Auignon païs de Luynes, ſont les plus deſloyalles gens de tout le monde, ne s'eſtoient-ils point engagé au Duc de France de luy faire espouſer l'heritiere de Luxébourg, pour le faire departir de l'heritiere de Piguigny, cependant ils luy ont manqué? Combien ont-ils promis de choſes au Vidame de Chartres, dont ils n'ont rien tenu? N'ont-ils pas desbauché le Clerc d'aupres du Sieur de Piſieux, auquel ils auoient promis la ſurintendance de la maiſon de Luynes, afin de tirer par là, ce que ledit le Clerc ſcauoit des ſecrets de ſon maiſtre, & puis apres ils luy ont manqué de parole comme aux autres? Qui voudra plus ſe fier en eux, puis que l'on voit qu'au meſme temps qu'ils teſmoignent deſirer vn ac-

cōmodement par l'enuoy de Messieurs le Grand, Montbazon, President Ianin & l'Archeuesque de Sens, vers la Royne mere, ils portent au mesme instant les affaires à l'aigreur du costé de Normandie.

Voila, ce disent-ils, les humeurs des Luynes: Que si vn desir curieux nous pousse de les cognoistre plus particulièrement on trouuera qu'ils ne sont ny bons Royaux, ny bons Bourbons, ny bōs Espagnols. ny bons Sauoyards, ny bōs Lorrains, ny bons Catholiques, ny bōs Huguenots. Si voulez sçauoir la raison pourquoy? C'est qu'ils n'ont desseins que d'estre bons pour eux-mesmes. Et pour y paruenir ils appliquēt toute sorte de puissance, pour fortifier la leur, se seruant du credit de tous les Princes selon les occurrences de leurs affaires, tantost faisant semblant de fauoriser les vns, tātost les autres. Vne autrefois d'auoir quelque inclination pour le party Catholique, & tantost pour celuy des Huguenots, endormans ainsi & pippans tous ceux qui prennent croyance en leurs paroles, bien qu'ils n'ayent en tout cela intention aucune de faire pour personne, sinon entant que le principal profit leur en demeure, afin de regner tousiours. Ainsi se sont-ils seruy du Pape, du Duc de Sauoye, des Archiducs de Flandre, de Madame la Comtesse de Soissons de Mōsieur de Mayenne, de Monsieur de Longueuille, des Peres Iesuittes, des Deputez des Huguenots, & aujourd'huy de Monsieur le Prince, & du Duc de Guise, qui se trouueront trompez, mocquez, aussi bien que les autres, d'autant qu'ils ne commencerōt pas par eux à bien faire, puis qu'o voit

qu'ils manquent tous les iours au seruice du Roy, leur bien-faicteur, duquel ils deschirent l'Estat, pour du desbris en dresser des trophées à la grandeur de leur fortune. Que si on veut ietter les yeux sur tout ce qu'ils ont fait depuis 3. ans, il se iustificera qu'ils n'ont pensé à faire aucune chose pour le bien du Roy ny du public. Les plus belles actions qu'ils ont faits n'ayans esté qu'à prendre de tous costez, achepter des Gouvernemens & des charges, faire fortifier leurs Citadelles : en vn mot enrichy leur maison, & appauury l'Estat. Estans les seuls auteurs de tous les orages qui se couuēt dans la France. Car il n'y a personne si depourueu de sens qui ne sçachēt que les difficultez qui se trouuent au iourd'huy en l'accōmodement entre le Roy & la Royne Mere naissent à cause des interests particuliers de Luynes, & nō de ceux de leur M. le Roy & sa mere estans de trop bons naturels pour se rendre des deseruices les vns aux autres. Le souhait de la Royne est d'estre aupres du Roy : Ces noms de Mere & de Fils ne peuent souffrir diuision. Le biē des affaires du Roy & du public requier cela. Au contraire, le bien des affaires de Luynes, & de ses parens est que leurs Majestez soient diuisees. Et voyla la source du mal. Le Roy ne peut esperer que toute cōsolation par le retour de la Royne mere : Luynes au rebours, croit que ce retour luy soit inuisible. L'absēce de la Royne met en lustre & affermit la grādeur de Luynes : là où sa presence amoindriroit l'autorité qu'il vsurpe dās le Louure. Ainsi l'interest de Luynes, est tout different de celuy du Roy. Et par cōsequēt, Luynes fera tousiours tous ses efforts pour

continuer à mettre sa Majesté en deffiance de sa mere, aiusi qu'il a faict iusques à present, afin de ce conseruer seul cet absolu pouuoir qu'ils s'attribuë dans les affaires du Roy. Et partant c'est vn grandissime malheur, disent-ils qu'il faille que les artifices d'un seruiteur cauteleux, preualent l'innocence d'une mere affligee, & que le Roy & son Estat partisse pour complaire à l'ambition desreglée de quelques fauoris qui veulent regner aux despens de tout le monde.

Ils se plaignent qu'on enuie leur fortune : Non on ne l'enuie pas : mais on est seulement mary de ce qu'ils n'en vsent bien, & qu'apres auoir souffert les insolences du Marechal d'Ancre, on voye Luyne succéder en sa place pour faire encore pis. Car il semble, disent-ils, qu'il ayt entrepris de l'encherir par dessus, ayant succédé à ses charges, à ses biens, & à tous ses desseins. Il se trouuera'encores des lettres escrites de la main de Luyne, par lesquelles il se mocquoit de ce que le Marechal d'Ancre auoit eu ce grade par faueur, & non par vertu. Que dira il sion luy dema de par quelle voye Cadnet est parueni à ce tiltre ? Il y a aussi plusieurs tesmoins qui ont ouy Luyne se plaindre de ce que la Roynie mere ne faisoit acheuer l'ornement de l'effigie du Roy qui est sur le Pont neuf. Et luy a il fait travailler d'auantage, depuis qu'il dispose des Finances de l'Estat : Non, il n'a point fait, ny fera mieux que Cōchine

Le Marechal d'Ancre vouloit disposer d'une partie de ce qui se passoit au Conseil : Luyne veut disposer de tout. Tous les bons François estoient contre le Marechal d'Ancre : Ils sont aussi contre

Luyne, Monsieur de Mayenne & les autres Princes s'estoient retirez de la Cour, à cause del'insolence du Marechal d'Ancre : Le mesme font ils pour celle de Luyne. On taxoit Conchine d'vser de sortilege, vn des gens de Luyne est prisonnier dans la Bastille, qui l'accuse de mesme crime. Le Marechal d'Ancre abusoit de l'authorité de la Royne mere: Luyne abuse celle du Roy son fils le Marechal d'Ancre auoit la Citadelle d'Amiens : Luyne l'a aussi. Le Marechal d'Ancre ne l'a sceu faire acheuer: Luyne employe sans necessité les plus clairs deniers du Royaume pour ceste forteresse, y ayant deux mil hommes qui y traouillent tous les iours. Le Marechal d'Ancre estoit Lieutenant en Picardie: Luyne en est Gouverneur en chef. Le Marechal d'Ancre n'y tenoit qu'une place, Luyne tient toute la Prouince. Le Marechal d'Ancre vouloit raualler l'authorité de quelques Grands du Royaume : Luyne les veut tenir tous au dessous de luy. Le Marechal d'Ancre faisoit du bien à quelques vns: Luyne n'en fait à personne qu'à ses parens. Le Marechal d'Ancre tenoit ce qu'il auoit promis: Luyne ne tient rien de tout ce qu'il promet. Le Marechal d'Ancre vouloit faire espouser l'heritiere de Piquigny à son fils: Luyne la fait espouser à frere. Conchine estoit estranger Florentin: Luyne est estranger Comtadin. Pour conclusion veritable le Marechal d'Ancre n'auoit rien de bon en l'ame: N'aussi de Luyne, ny ses freres, qui meritent vn pareil traictement qu'a receu le Marechal d'Ancre, puis qu'ils sont heritiers de ses biens, & imitateurs de ses desseins.











